

卷十六

藝文志

詩賦

詩餘

重修臨潁縣志

重修臨潁縣志卷十六

邑令

陳垣東園

陳俊冊襄
楊酉桂光辰

重修

藝文志

詩賦

詩餘

詩賦

思劉陶歌

漢順陽父老

邑然不樂思我劉君何時復來安此下民

觀公孫大娘弟子舞劍器行

有序

唐杜甫

大曆三年十月十九日夔州別駕元特宅見臨穎李十二娘舞
劍器壯其蔚跂問其所師曰余公孫大娘弟子也開元三載余
尙童稚記於郾城觀公孫氏舞劍器渾脫瀏漓頓挫獨出冠時
自高頭宜春梨園二伎坊內人洎出供奉曉是舞者聖神文武
皇帝初公孫一人而已玉貌繡衣況予白首今茲弟子亦匪盛
顏旣辨其由來知波瀾莫二撫事慷慨聊爲劍器行昔者吳人
張旭善草書書帖數常於鄴縣見公孫大娘舞西河劍器自此
草書長進豪蕩感激卽公孫可知矣

昔有佳人公孫氏一舞劍器動四方觀者如山色沮喪天地爲之
久低昂燿如羿射九日落矯如羣帝驂龍翔來如雷霆收震怒罷
如江河凝清光絳唇珠袖兩寂寞晚有弟子傳芬芳臨穎美人在
白帝少舞此曲神揚揚與予問答既有以感時撫事增惋傷先帝
侍女八十人公孫劍器初第一五十年間似反掌風塵瀕洞昏王
室黎園弟子散如烟女樂餘姿映寒日金粟堆南木已拱瞿塘石
城草蕭瑟玳筵急營曲復終樂極哀連月東出老夫不知其所往
足繭荒山轉愁疾

聚星亭畫屏贊

宋朱熹

贊曰猗歟陳子神嶽鍾英文淵範懿道廣心平危孫汙隆卷舒自
我是曰庶幾無可不可獻身安衆吊豎全邦炯然方寸秋月寒江
願言懷人曰我同志故朗陵君荀季和氏連峯對起麗澤潛滋優
而不見有黜其思薄言造之顧無僕役獨呼二兒駕予以出青芻
橫犢布幃柴車策舒前衛杖謀後趨所造伊何高陽之里維時荀
君聞至而喜顧謂汝靖往應於門七龍矯矯布席開樽靖肅而前
翁拜其辱何悟斯晨得見清穆命爽行觴旅饋次陳獻酬交錯禮

度情親載笑載言罔非德義益邁乃猷以輔斯世髡髦兩稚亦寘
膝前原深本固莫出非賢維此慈明特謝儔匹晚際國屯敢憚濡
迹贅旒之命時以少延邦朋之最孰與爲先攸乃附曹羣亦忘漢
嗣守之難古今共歎崇臺回極于以占天猶曰茲野德星萃焉我
寓有亭舊蒙斯號今刺前聞象儀以告高山景行好德所同課忠
責孝獨慨余衷百爾寬臨鏡考毋怠死國承家永奉明戒

明世宗皇帝賜大學士賈詠詩

史臣清職最難供必有三長始可充耆俊協心宣朕志纂修據愴

副予衷聖謨垂訓常如見睿德流芳豈有窮帝賜賢良爲輔弼寅
恭端亮此爲忠

又

殿廷暑氣薄薰風灑然生萬幾有清暇書史陶吾情日與聖賢伍
外誘難相嬰對時或感物興到句還成豁然融心性豈止諧音聲
資卿爲藻潤朕志益開明卿本中州俊簡在登台衡君臣際良難
所貴德業并詩章本餘事治理須持平朕固諒卿志夙夜懷忠貞
喜起協舜樂交修和商羹卷阿有遺嚮終聽鳳凰鳴

和世宗皇帝賜詩

邑人賈詠

大學士

吾皇啓昌運實膺曆數生上承萬年統下愜四海情中罹幾多事
外變復相嬰皇猷惟祖訓聖孝自天成揮灑富篇帙鏗錡太古聲
臣本章句儒無補愧開明又以樛櫟質誤簡居台衡所望唐虞治
今昔期有并兼以伊呂業家國依以平豈敢苟然作黽勉在忠貞
曾覽舟楫傳載味和鼎羹但擬賡歌曲同一詔獲鳴

臨穎懷古

明廬陵劉咸

僉事

乘驄曉出德星亭東望遙趨葛伯城岡接玲瓏山勢遠河流瑪瑙

水源清摘星樓廢人何在受禪臺荒草自生吊古興懷思不已謾
留詩句寄深情

又

廣信張志文

副使

芰荷香度水邊亭驄馬初臨舊潁城講武臺連潘寨近陡門河入
灌溝清兵殘古塔青烟冷蟒出虛陵碧草生回首摘星樓址在淡
烟疎雨最傷情

又

樂平鄭 嵩

路入沙溝水繞亭行行又過豢龍城烟屯古寨人家近月照研岡

客夢清翠竹影隨籬外散野棠花向塚邊生望鄉臺上鶯聲滑啼
徹東風有無情

又

賈詠

偶從十里駐郵亭獨立東風吊古城潁谷峯連雲樹杳石梁水出
浪花清河名鄧艾田空有碑仆繁昌草自生惟有商橋千古恨緬
懷忠義不勝情

臨潁署中和商孟和看含胎牡丹之作商閩人

閩鮮牡丹

景陵鍾惺

國色多珍重尋常不入閩洛中生長慣炎服見聞新忍艷過寒月
留香與晚春避藏含意處矜慎待年身幸爾相逢日當他未嫁辰
韶華雖少小情貌已清真有似南君子驚看北婦人等閒籬壁物
易作魏姚論

豢龍遺跡

臨川黎公弁

臨穎
教諭

豢龍城何在在縣北之東龍孰云可豢可豢非神龍伊人何不智
坐受劉累蒙死雌已潛醢上佐珍羞供醢盡計已屈逃遁無追蹤
空城二三里荆棘深蒙茸登臨不勝慨搔首斜陽中

紂城遺跡

前人

朝歌去臨潁遠隔黃河上昔人事田遊歲時任來往危城奕奕高
景物千萬狀曲尺池新開蓮藕年年長樓高可摘星香霧生帷帳
物理有不常歡樂成悲悵檀車煌煌奔萬事一反掌

潁水清流

邑人杜 栢

都御史

晨暉蕩清潁輕橈遊碧潯秋水櫂聲急爽籟鳴松林鷗鷺翔我側
蛟龍潛波心沿流達少室羣液廣且深瀾滄迴茲土靈鍾自昔今

研岡勝概

春陽朝澄霽南廊躋崇岡崇岡壓虛室芬葢雜野芳中有研精人
先天究義皇傾耳契泉聲舉目屬山光潛心良在茲將以達岩廊
柏塚磨雲

振策覓遐蹤伊誰此窀穸死生各已分大墓何岑寂古柏薄飛雲
高邱封嫩碧猿聲衆壑暝鶴唳孤城夕殘碑杳難識徘徊空嘆惜
蓮池孕月

清風池上釣周覽壑雙眸澤蘭被幽逕菡萏彌芳洲羲和下虞淵
冰輪上古邱中天揚光采嬋娟落碧流晤言不知倦撫景樂遨遊

馬臺書聲

鬱鬱集萬木亭亭起孤臺瑩瑩塘水深馥馥荷風來美人構書屋
絳帳樂羣才忠經一以述太山何崔嵬胡爲竟榛蕪徙倚空悲哀
鄧河水利

延伫艾河壩沃壤秋風清荼蓼相因依禾麻值西成憶昔僞禪日
一帶留茲稱萬斛饒國利三分資戰爭活活東流駛難窮篡國名
魏帝穹祠

巖巖禪臺雲奕奕潁河道長松落陰森古廟深窈窕何時饗魏文

引領傷懷抱達人
愍漢皇祀典由茲肇
有美名號宜萬齡
事蘋藻
鍾繇古碑

遺廟抗蒼柏
斷碑曳碧雲
奸雄本篡業
胡爲受禪文
貞珉一以建
狐媚成三分
歲月代何遠
龍蛇多未湮
獨憐鍾繇隸
不念漢將軍
潁水清流

載酒遊清野
鳴榔泛碧潯
浮光沒浴鳥
積氣障高林
古木臨溪秀
新篁夾岸深
長吟乘月往
靈液展幽尋

研岡勝概

散步崇岡上山花媚目鮮平坡雜野蕘古殿近飛泉萬木凝佳氣
孤村繞瑞煙乘風登此地覓道叩三玄

柏塚磨雲

霽色分仙塚停雲鎖暮山空餘蒼柏迴自入碧霄間古道青苔徧
荒邱明月閑西風催葉落飛鳥送人還

蓮池孕月

携酒尋山徑芳池月色多風漪牽紫葍桂影上青荷野草穿溪暝
鳴鴻向浦過厭厭人去遠沙渚但金波

馬臺書聲

談道人何在孤臺尙有形
禪房移絳帳梵語沒忠經
苔蘚迷庭碧芙蓉入含青
衣冠嗟往事風破半池萍

鄧河水利

魏帝國何在鄧河本自流
青蘋生極浦夜月吟孤洲
淤渚寒沙障林花落影浮
荒蕪看此日禾黍動民憂

魏帝穹祠

落日臺邊廟清風道上松
漢儀留勝跡策杖覓遐蹤
古砌秋花滿